

HETTUOHSAH TENI



Simmun 6: May 11, 2024



Reformer masaho thi jou chun houbung ahung lhasuh hut kit in ahi. Kisiemthahna um jouvin jong houbung ahung lhada in, thudih hetbe ding gellouvin, thudih dinpiho thetna nasatah ahin nei tai.

Leisiet kivaipuohna le chihgutna lam a jong kikhelna nasa tampi ahung um tai. Gamsung dinmun seitheilou jieh in mithieng tampi ajam un, jalenna gam ti a kihe North America ajuon tauvin ahi.

Europe gamtin ah kivaihopna nungsun kiphinna akuon kikhelna nasa (Revolution) tampi ahung um tan ahi. Hiva chun France Europe sung a din Pathien um tahsanlou gamtum masapen ahung hi tai.

Hiche phaath gei chun Pathien in “Ahettuohsah teni” chu bit in akoi jing in ahi. Khang hahsatah hung lhun chun hettuoahsah teni chung a ipi ana lung em?



Hettuoahsah teni hi koi hin tem?



Phaat ichan sung hettuoahsah aphun lhon em?



Iti thi lhon ham?



Itih a chu thoukit a, van a lahtouva um lhon ham?



Aban thilsuoh ipi hi'm?




HETTUOHSAH TENI HI KOI HIN TEM?

“Amani chu vannuoi leisiet Pakai ang a ding ah Olive thingphung ni chuleh meivah khom ni chu ahi lhon e.” (Thuphuon 11:4)

Olive thingphung ni leh meivah khom ni kiminphah hin (Rev. 11:4) Zechariah bung 4 gaomu ei geldohsah uve. Hiche Olive phung a chun thao tampi aputdoh in, meivah khom sagi asung dim jing e (Zech. 4:1-3, 12).

Olive phung teni chu “hettuohsah teni” chu ahi, meivah khom teni toh chun “Pathien thu” vetsah ahi uve (Zech. 4:6, 14). Hichu Thulhun Lui le Thulhun Thah ahi.



HETTUOHSAH TENI HI KOI HIN TEM?

Mosi leh Elijah vetsahna mangcha'n, Thuphuon
11 hin hiche hettuohsah teni thudol ase i e:



**Khaodippuon in
akivon lhon e (3)**

**Pathien ang a
ding lhon ahi (4)**

**Bolgim go aum
leh kamsung
meikuong ahung
potdohji e (5)**

**Go juhlouna din
vankot
akhahchah lhon
e (6a)**

**Tui thisan
asosah lhon in,
gamna hise
alhut lhon e (6b)**

**Phaat hahsa
tah pet in jong
Bible venbit in
aum e**

**Pathien in athu
suhmang ahi
ding apha poi**

**Bible thusap
chun amelmate
“akahvam”
jieng ahi (Jer.
5:14)**

**Bible nungsun
chengse chu
Lhagao Thieng
go hung ju
(thaotui)
kichansahlou
ahi uve.**

**Bible thu juiho
bou Middle Age
kiti phaata sung
lhagao muthim
le gamna hise a
kuon huhdoh
ahi uve.**

Mosi le Elijah bang chun Bible in jong bolgimna nasatah athuoh in ahi; Pathien um tahsanlou gamtum akidoupi'n, mitin asuthouvin...Bible gaomu guilhung chet ahi khang thusim kisun in aphochien e.

PHAAT ICHAN SUNG HETTUOHSAH APHUON LHON EM?

“...kathu hettuohsah (te)ni...ni 1260 sung a thu aseidoh lhon ding ahi.” (Thuphuon 11:3)

Thuphuon 11 kipatna a chun Vanmun Houbuh akimu’n ahi, gimnamtui maicham masang dingho jong akimu’i (Rev. 11:1).


Vanmun Houbuh thutanna mun chu leisiet ahi, hiva chun “Gentile te”- tahsanloute’n- “khopi thieng’- Pathien mite-lha 42 sung chotpha in anei ui (v. 2).

Hiche phaata sung a chu Pathien Thu khaodip puon (thuoh hahsa tah) a kivon ding ahi (v. 3) [lha 42 x nikho 30 = nikho 1,260 (gaothu a kum 1260 tina ahi)].



Kum 538 apat Rome houbung in Pathien thu sang in pupate chondan joh achungnunsahjo tan, Bible sim jieng jong ahin khap tan, Bible nei le simho, chuleh dihtah a juiho chung a thina chan gotna anape tan ahi.

Hiche bolgimna phaata kichai kuon chun Reformer ho jal chun phaata chomcha bolgimna ahung dai in ahi (Matt. 24:22).



ITI THI LHON HAM?

“Amani chun athu hettuohsah achai lhon tieng leh lei-ong a kuon hung pot sahiem chun amani chu akisatpi a, ajo a, atha ding ahi” (Thuphuon 11:7)

Thuphuon 11:7 a lei-ong kiti chun diabolho chenna mun avetsah ahi (Rev. 9:11; 20:1-3; Luke 8:30-31). Sahiem chu gamsung le sakho lampang thahatna vetsah ahi (Revelation leh Daniel a sahiem kisei vetsah bang chun).

Kum 1,260 kichai a umdoh gam thahat chu hoiche chu hin tem? Kum 1798 vel a? Kum 1798 a kipan French Revolution chun “kivaipuohna gimnei” (1793-1794) ahin umdohsah in, koi tundoh ahi kichieh tah in hetdoh thei ahi: Satan leh asottolho ahi. Hiche kivaipuohna chu seidan thum in akisei e (Rev. 11:8):



Sodom : Hiche Revolution kuon chun thitheilou a kigelna hatah in ahung umpan tai.



Egypt : Pathien tahsanlou kivaipuohna (Ex. 5:2) leh “chihna pathiennu houna” hattah ahung hi tai.



Jesu hoilai mun a kikheneb hin tem : Jesu kilhaina nungsun in aum tai

Hiche phaatsung hin sakho suhmang in aum in, Bible khap le halmang in aum e.

“France gam a Pathien um tahsanlou kivaipuohna thahat chun “Revolution leh Kivaipuohna Gimnei” kiti phaatsung chun vannuoi a ana kijakhalou Pathien leh Athuthieng douna mong sang tah anabol in ahi . Pathien houna chu France Parliament in anasumang in, Bible buho akichomkhom in, jalhang ah akihalvam in, musit le kidah umthei pen in akibol in ahi. Pathien Dan kengto chotpha in ana kikoi e. Bible pansa a kikhop le kilamkaina jouse jong suhmang anahi e. Kahkhat sung a choldo ni um jong ningsuh in aum in, alheng din ni som lhinni sieh chu golnop le eltol nikho in anamang uve. Baptisma chansah leh Pakai Anthiengjon jong khap anahi e. Lhankhuh chung a geldohna suong a jong thina hi tuonsot imut ahi ti’n kilangtah in sut anahiji e.”

ITIH A CHU THOUKIT A, VAN A LAHTOUVA UM LHON HAM?


"Chuin ni thum leh akeh jou chun asung lhon a Pathien a kuon a hinna lhagao alut jieh chun, amani akeng in ading gel lhon tan ahi; chuphat chun aveveho chu akicha talheh jieng ta uve" (Rev 11:11)



November 26, 1793 chun France kivaihomna chun sakho suhmangna thupieh aneitan ahi. Hiche thupieh chu June 17, 1797 in suhlhap anahi. Hiche kum thum leh akeh sung hin France te akipah un, sakho a kuon jalenna achan u leh Bible awcheng asuhthip u akipapi un ahi (Rev. 11:9-10).

Suhmang le suhthip malah, masang sang a hatjo in Bible ahung kilang tan ahi. Protestant houbung hon vannuoi muntin ah gospel thupha ahin lhut tauvin ahi (Rev. 11:11).

William Wilberforce in Bible Society 1804 kum chun ahin pandoh in, Bible mitin neithei din hopjal ahung hitai. Bible umsun chu asang aja in ahung pung tan, vannuoi a lekhabu kichodoh tampen ahung hitai. Tutu hin vang Pathien Thu hopjal suhtaang jou huoi ahita poi. Pathien in koima suhmang jou huoi hilou dinmun ah akoi tan ahi (Rev. 11:12).



ABAN THILSUOH IPI HI'M?

"Chuin van a um Pathien hou-inn munthieng chu akihong in, ahou-inn Mun Thieng sung a chun kitepna thu thingkuong chu akimun ahi; chuin kol aphe'n, aw aging in, van aging in, liing akihot tan...giel lien nasatah alha'n ahi" (Rev 11:19)


Hettuohsah teni "thokit" apat lei le vanmun jouse a se le pha kidouna bu nunung phohdoh ahung hitai: khumkhana bu chu.

Christa nivei hungna chu achaina kheh hung hiding, lenggam jouse Jesu a hita ding, tuonsot a vai ahom ding ahi tai (Rev. 11:15).

Hiche phaath masang chet chuleh namtin lungsatna a dim ding, leisiet sumangho suhmang a hung um ding ahiuve (Rev. 11:18).

Hiche thilsuoh chengse hi vanmun a Pathien hou umdol a kisun ngen ahi (Rev. 11:16-17); hiva jong chun akhumkhana'n Pathien houbuh Mun Thieng sung ah Pathien thingkuong ahung kilang in ahi (Rev. 11:19).

"Tohphat man pieh phaath" (Rev. 11:18) ahung lhung tan, Pathien thutan teptena vannuoi musah ahi tai: hichu kitepna thingkuong sung a um Thupieh Som chu ahi.



“Pathien thu dihtah a holte komcha ah
Lhagao Thieng aum jing in, thudih hoina
kiselgu amusahji e. Pathien akuon vah
chun alungsung asalvahpehji’n, thudih chu
achung a mohor kinam bang in, apoimona
chu thahbeh leh nousitset in amusahji’n
ahi. Aneikhahlou beh lung kipana’n adim
in, Pathien chamna chun alungsung
aluodimpeh in ahi. Thudih manlut dan
ahet jong masang bang lou hiel ahung
hitan ahi. Van vah in Thupha chu ahin sal
in, thumal chu khat khat a sana tui a kisun
bang in akilahsah e. Pathien amatah in
alungsung kom ah thu aseipeh in, Athu chu
lhagao le hinna asopeh e.”

